



Hanaq Pachamanta Yanapakuy

Watson Goodman
Rurasqan

Kay qellqaqa — manam rantipaqchu

HANAQ PACHAMANTA YANAPAKUY

“HANAQ PACHAMANTA YANAPAKUY” kay taksa qellqaqa horqosqa kachkan Chuya Qellqamantam. Chaypim sumaqlaña willakuykunata tarinchik.

Pacha Kamaqpa yanapakuyninqa hamun “hanaymantam”, yakunayachikuq hinaspa yarqaymanta hina tarikuq runapa sonqontam tiyaykachin hinaspa saksaykachin imam allin ruray munasqanpi.

Tukuy atiyniyuq Jesusta pipas sonqonpi chaskikuykuptinqa hinaspa tukuy sonqonwan lliw huchanmanta wanakuyta munaptinqa Jesusmi payman qoykunqa hawkayayta hinaspa hatun kusikuyta, aswan aswantaqmi reqsichikunqapas chay maskaqnin runamanqa.

Kay taksa qellqa llapallan qawaqkunatam kallpanchamuykiku Jesusta chaskikunaykichikpaq hinaspa payllataña yupaychanaykichikpaq.
–Runa Simi – Tawa

Ichaqa Diosmi kuyawasqanchikta qawachiwarqanchik huchasaparaq kachkaptinchikpas Cristo wañupwasqanchikwan. —Romanos 5:8

Pascua Fiestapa ñawpaqnintaraqmi Jesusqa yacharqaña kay pachamanta Taytanpa kasqanman kutinanta. Kay pachapi kaqmasinkunamanmi hatu-hatun kuyakuyninta qawachirqa.

—Juan 13:1

Hatu-hatun kuyakuyniyoyqqa amistadninkunapa rantinpi wañuqmi.

—Juan 15:13

Jesucristoqa confiakunapaq allin testigom. Payqa puntata kawsari-muqmi chaynataq kay pachapi rey-kunata kamachiqmi. Payqa kuya-

waspanchik huchanchikkunamanta yawarninwan mayllaqninchikmi.

—Apocalipsis 1:5

—Diosqa ancha-anchatam kuyarqa runakunata, chaymi sapallan Churinta qomurqa pipas paypi iñiqqa manaña puchukaspa wiñaypaña kawsanapaq.

—Juan 3:16

Unaymantaraqmi Tayta Diosqa rikuriwarqanchik. Hinaspam payqa kaynata niwarqanchik: Wiñaypaq kuyakuywanmi qayarqayki. Chayna kuyasqayman hinallam kuyapayachkayki.

—Jeremias 31:3



Mayna hatunmi Diosman iñinan-chikpaq revelawasqanchikqa: Diosmi runayarurqa. Espiritu yanapap-tinmi acusaqninkunata vencerqa. Payqa angelkunapa qawasqanmi karqa. Llapallan nacionkunapim willakusqa karqa. Kay pachapi kaqkunapa iñisqanmi karqa. Hanaq pachapipas chaskisqam karqa.

—1 Timoteo 3:16

Tukuy imapa qallariyninpiqa karqañam Simiqa, chay Simiqa karqa Dioswanmi, chay Simiqa Diosmi. Chay Simim runayarurspan yacharqa ñoqanchikwan.... Qawarqanikum achkiyningapas....

—Juan 1:1 y 14

Tukuy kaykunam pasakurqa Dios-

manta willakuqpa kayna nisqan cumplikunanpaq: Doncellam wiksayakuruspan wachakunqa qari wawata. “Emanuel” nisqam sutichanqaku chay wawata. Kayqa: “Diosmi ñoqanchikwan” ninanmi.

—Mateo 1:22, 23

Taytaywanqa hukllam kaniku.

—Juan 10:30

Jesusñataqmi nirqa: —Felipe, unayñam qamkunawanqa kachkani. ¿Manaraqchu reqsiwanki? Ñoqata rikuyqniyqa Taytatapas rikuykunñam. ¿Imanasqamá niwanki “Taytata rikuykachiwayku” nispaqa? ¿Manachu creenki Taytaywanqa huklla kasqayta? —Juan 14:9, 10a

PACHA KAMAQPA CHURIN JESUS

3

“Jesucristoqa Diospa Churinmi” nispa reqsikuqkunapim Diosqa tak-yachkan, paykunapas Diospimá tak-yachkan.
—1 Juan 4:15

Chaymi angelñataq nirqa: —Chuya Espiritu qanman hamuptinmi hanaq pachapi Diospa atiyin puyu hina pampaykusunki. Chayraykum Diospa sapaqchasqa naceq wawapas sutichasqa kanqa Diospa Churinwan.
—Lucas 1:35



Wawam nacerapuwanchik. Wawatam Dios qoykuwanchik. Pay gobiernaptinmi sutichanqaku: Admirakuypaq Kaqwan, Consejakuqwan, Tukuy Kallpayoq Dios-

wan, Wiña-wiñaypaq Taytawan hinaspas Hawkayay Qokuq Kamachikuqwan.
—Isaias 9:6

Pedro rimachkaptinmi kancharichkaq puyu paykunata tapaykurqa hinaptinmi puyumanta nimurqa kaynata: —Paymi kuyasqay Churiy, payraykum kusionqa kachkani. Payta uyariychik —nispa.
—Mateo 17:5

Chay runam nirqa: —Señorlláy ¿pitaq payqa payman iñikunaypaq? —nispa. Chaymi Jesusñataq nirqa: —Ñam rikuykunkiña, ñoqam kani [Diospa Churin] qanwanmi rimachkani.
—Juan 9:36, 37

Diospi tukuy ima tarikuqmi kachkan runayaruq Cristopi.
—Colosenses 2:9

4 JESUSMI WILLAWANCHIK PIM KASQANTA

Jesusmi nirqa: —Qamkunaqa kankichik kay pachallamantam, ñoqañataqmi kani hanaq pachamanta. Qamkunaqa kankichik kay pachapi kaqmi, ñoqam ichaqa mana kay pachapi kaqchu kani. Hinaptinmi Jesusñataq nirqa: —Cheqaptapunim nikichik, manaraqpas Abraham kachkaptinqa ñam karqaniña —nispa.

—Juan 8:23 y 58

Chaymi warmiñataq nirqa: —Yachanim Cristo nisqanku Mesias hamunanta, pay hamuspanmi lliwta willawanqaku —nispa. Jesusmi nirqa: —Kay rimapayaqnikim Mesiasqa kani —nispa.

—Juan 4:25, 26

Kay pachapiraq kanaykamaqa runakunatam achkisaq.

—Juan 9:5

Jesusmi huktawan nirqa: —Cheqaptapunim nikichik, ñoqam kani ovejakunapa yaykunan punku.

—Juan 10:7

Jesusñataqmi nirqa: —Ñoqam kani kawsarichiqpas chaynataq kawsay qokuqpas. Pipas ñoqaman iñiqqa wañuspapas kawsarimunqam.

—Juan 11:25

Qamkunam niwankichik: “Señorlláy, Yachachikuq” nispa, chaytaqa allintam ninkichik, arí chaynamá kani.

—Juan 13:13

Jesusñataqmi nirqa: —Ñoqam kani ñan, cheqap kaqpas chaynataq kawsay qokuqpas. Taytaymanqa manam pipas chayanmanchu mana ñoqawanqa.

—Juan 14:6

Runakunata pastopi tiyanankupaq kamachispanmi hapiykurqa pichqan tantakunatawan iskaynin challwakunata hinaspam hanaq pachata qawarisan Diosman graciasta qorqa, tantakunata pakiykuspanmi discipulonkunaman qorqa, paykunañataqmi runakunaman aypurqa. Llapallankum mikurqaku saksanankukama, chaymantam puchuq tantakunata huñurqaku chunka iskayniyoq canasta huntata. —Mateo 14:19-20

Chaymi Simonñataq nirqa: —Señor, tukuy tutam challwarqaniku, manam chullallatapas hapirqanikuchu ichaqa nisqaykiman hinayá mallata wischumusaq —nispa. Chaynata

ruraspam achkallataña hapirurqaku mallankupas tipirinankama.

—Lucas 5:5, 6

Hinaptinmi ñanpa patanpi tiyaq iskay ñawsakuna Jesus pasasqanta uyariruspanku qayaykachakurqaku: —Davidpa mirayninmanta hatun kamachikuq Señorllayku, llakipayariykullawaykuyá —nispa. Jesusmi tapurqa: —¿Imatataq munankichik qamkunapaq ruranayta? —nispa. Chaymi paykunañataq nirqa: —Taytáy, qawarikuytam munaniku —nispa. Hinaptinmi Jesus paykunata llakipayarisan ñawinkuta llapchaykurqa hinaptinmi chaypunilla qawarikuruspa Jesusta qatirqaku.

—Mateo 20:30 y 32-34

JESUSCRISTOQA UNANCHAQMI HINASPA MUNAYNIYOQMI

—Israelpa llapallan mirayninkuna, yachaychikyá, qamkunapa chakatarusqaykichik Jesustam Israel nacionpi Cristo hinaspa Señor kananpaq Dios churaykun.

—Hechos 2:36

Cristoqa wañuruspam kawsarimurqa wañuqkunapipas kawsaqkunapipas munaychakunanpaq.

—Romanos 14:9

Paynintakamam Dios unancharqa cielopi tukuy ima kaqkunatapas, kay pachapi kaqkunatapas, tukuy ima rikusqanchiktapas chaynataq mana rikuy atisqanchiktapas, kama-chikuqkunatapas, tukuy imapi mu-

naychakuqkunatapas, llapallan autoridadkunatapas hinaspa llapallan atiyniyoqkunatapas. Paynintakamam hinaspa paypaqtaqmi tukuy imapas unanchasqa karqa.

—Colosenses 1:16

Diosmi paynintakama unancharqa tukuy imakunatapas, mana paywan unanchaptinga tukuy imakunapas manam kanmanchu karqa.

—Juan 1:3

Llapallan runakunapas “Jesucristoqa Señormi” nispam ninqaku, chaynataq ninqaku Dios Taytata yupaychaspam.

—Filipenses 2:11

Ichaqa ¿imanasqamá qamqa wawqekitaqa juzgachkanki hinaspaq penqachkanki? Lliwchanchikmi Diospa qayllanman rikurisunchik juzgawananchikpaq. —Romanos 14:10

Cristo Jesusmi wañuqkunatapas hinaspa kawsaqkunatapas juzgaspas gobiernananpaq hamunqa, paypa hinaspa Dios Taytanchikpa qayllanpim kamachiki. —2 Timoteo 4:1

Chayman hinam sonqollankupi piensasqankuman hina Diospas Jesucristowan juzgachinqa juicio punchawpi llapa runakunapa sonqonpi pakasqa kaqta. Chaykunaqa kanqa willakusqay allin noticiaman hinam.
—Romanos 2:16

—Diosmanta Hamuq Runa angelniykunawan hamuspay suma-sumaq tiyanaypi tiyaykuptiyimi, llapallan nacionkunamanta runakuna huñunakamunqa ñawpaqniyman hinaptinmi michiq rakichkaq hina rakisaq cabrakunamanta ovejakunata.

—Mateo 25:31, 32

Taytaqa manam pitapas juzganchu, payqa Churinmanmi tukuy atiyta qoykurqa juzgananpaq. —Juan 5:22

Paymi kamachiwarqaku llapa runakunaman paymanta willakunaykupaq, Jesucristotam Dios churarun wañuqkunatapas hinaspa kawsaqkunatapas juzgananpaq.

—Hechos 10:42

8 JESUCRISTOLLAM QESPICHIQNINCHIKQA

Ñoqam punku kani, chayninta yaykuqqa salvakunqam. Payqa oveja hinam yaykunqapas hinaspa lloqsimunqapas hinaspa pastotapas tarinqa.

—Juan 10:9

Jesusñataqmi nirqa: —Ñoqam kani ñan, cheqap kaqpas chaynataq kawsay qokuqpas. Taytaymanqa manam pipas chayanmanchu mana ñoqawanqa.

—Juan 14:6

Chaymi nirqaykichik “Huchaykichikpim wañunkichik” nispa. Pim kasqayta mana creespaykichikqa huchaykichikpim wañunkichik.

—Juan 8:24

Llapallanchik huchallikuruspa Diospa suma-sumaq qayllanmanta karunchakurunchik. Diosmi ichaqa mana

imallapaq favorecewaspanchik mana huchayoqpaqña chaskiwanchik Cristo Jesus wañuspan librawaptillanchik.

—Romanos 3:23, 24

Chayraykum paynintakama Diosman asuykuqkunatapas wiñaypaq salvaykunman. Jesusqariki kawsachkan paykunapaq siemprepuni mañakunanpaqmi.

—Hebreos 7:25



Jesumanta hukqa manam pipas salvanmanchu, kay pachapiqa manataqmi pipas kanchu runakunata salvaqqa aswanqa Jesusllam.

—Hechos 4:12



Diosqa churawarqanchik manam castigawananchikpaqchu aswanqa Jesucristopa rurasqanwan salvasqa kanan-chikpaqmi.

—1 Tesalonicenses 5:9

JESUCRISTOLLAM QESPICHIQNINCHIKQA 9

Paymi kikinmanta wañupuarqanchik tukuy mana allin rurasqanchikmanta librawananchikpaq chaynataq huchanchikmanta chuyanchawananchikpaq, chaynapi paypa runankunaña kaspam allinkuna ruray munaqllaña kananchikpaq.

—Tito 2:14

Hinaspa Dios Taytanchikman graciasta qonaykichikpaq. Paymi tupasusqaykichikman hina sapakamaman qosunkichik sumaqllaña chaskinaykichik kaqta. Tutayaypi kamachikuqta kasuchkaptinchikmi paypa libraykuwarqanchik hinaspam kuyasqan Churinpa munaychakusqanmanña churaykuwan-chik. Paypa wañusqallanwanmi li-

braykuwarqanchik huchanchikku-namanta pampachaykuspa.

—Colosenses 1:12-14

Ichaqa qamkunataqa Diospunim hukllawasurqankichik Cristo Jesuswan, paytam churarqa yachay-ninchik hina kananpaq, payrayku mana huchayoq kananchikpaq, paypa chuyanchasqan kananchik-paq hinaspa paypa librasqan ka-nanchikpaq. —1 Corintios 1:30

Cristopa kuyawasqanchikman hinayá kuyanakuksa kawsaychik. Paymi Diosman miski asnaq ofrenda hina ofrecekurqa ñoqanchikrayku wañuspan.

—Efesios 5:2

10 CRISTOPA YAWARNILLANMI MAYLLAWANCHIK

Cristom yawarninta chaqchuspa wañurqa mana huchayoqpaqña Dios chaskiwananchikpaq. Chaymi Cristo salvawasun castigasqa kananchikmanta.
—Romanos 5:9

Llumpa-llumpayta favorecewaspanchikmi Diosqa Churin Jesucristopa yawarninwan librawarqanchik otaq huchanchikkunata pampachaykuwarqanchik.
—Efesios 1:7

Kaymi contrato rurasqaypa yawarniy. Chaqchusqam kanqa achka runakunapa huchankunata pampachanaypaq.
—Mateo 26:28

Diosmi salvasurqankichik abue-loykichikpa mana valeq costumbrenkuna chaskisqaykichikmanta. Ya-

chasqaykichikpi hinapas kay salvacionpa preciontaqa manam pipas pagarqa tukuruqlla qoriwanchu nitaq qollqewanchu. Chaytaqa Cristom pagarqa precioyoq yawarninwan, paymá mana faltayoq kachkaspanpas wañurqa sano carnero hina.

—1 Pedro 1:18, 19

Diosninchik hina achkiypi purispam ichaqa llapallanchik huklla kachkanchik, Diospa Churin Jesucristopa yawarninñataqmi llapallan huchanchikmanta mayllawanchik.

—1 Juan 1:7

... Diospim kusikusunchik Señor-ninchik Jesucristo paywan allin-yaykachiwasqanchikmanta.

—Romanos 5:11b

CRISTOMAN İNIKUSPALLAM QESPICHISQA KANCHIK 11

Favorninraykullam iñiptikichik Diosqa salvaykusurqankichik, chayqa manam qamkunamantachu aswanqa mana imallapaq Diospa qosusqaykichikmi. Manataqmi imapas rurasqaykichikraykuchu chaynapi pipas mana alabakunanpaq.

—Efesios 2:8, 9

Jesucristowan huklla kaptinchikqa manam imananchu señalasqa otaq mana señalasqa kayninchikpas. Diosmi ichaqa munan Jesucristoman hapipakuspallanchik kuyakuspa kawsananchikta. —Galatas 5:6

...—Señor Jesucristoman iñiy chaymi salvasqa kanki...

—Hechos 16:31b

Diospa churinkunaqa vencerunñam kay pachapi mana allin kaqkunataqa. Cristoman hapipakuspallam vencerunchik kay pachapi mana allin kaqkunata. —1 Juan 5:4

Runakunam nirqaku: —¿Imatataq rurasaqku Diospa munasqanta ruranaykupaqqa? —nispa. Chaymi Jesus nirqa: —Diospa munasqan rurrayqa paypa kachamusqanpi iñiy —nispa. —Juan 6:28, 29

~~~~~  
Kaykunataqa qellqarqani Jesusqa Diospa Churin Cristo kasqan creenaykichikpaqmi, creespaykichikñataq payrayku wiñay kawsayniyoq kanaykichikpaq. —Juan 20:31  
~~~~~

12 PACHA KAMAQPA LLAKIPAYAKUYNIN

¿Yaqachum pipas kanman qam hina Diosqa? Mana allin ruraqtapas pampachaykunkim qamqa. Kay puchuq runaykikunapa mana kasukusqantapas qonqaykunkim qamqa. Manam wiñaypaqchu piñakurqankipas. Qamqa kuyapayakuytam munankipas. —Miqueas 7:18

Tayta Diospa kuyapayakuyninraykum mana puchukarunchikchu. Paypa llakipayakuyninqa manam haykapipas tukunchu. Mosoqmi sapa tempranon llakipayakuyninqa. Dios Taytalláy, ancha confiakunam kanki qamqa. —Lamentaciones 3:22, 23

Imaynam cielokuna allpamanta alto-altopi kachkan, chaynam respe-

taqninkunapaq kuyapayakuyninpas hatu-hatun kachkan. Tayta Diospa kuyapayakuyninmi ichaqa kachkan wiña-wiñaypaq. Respetaqninkunapaq kuyapayakuyninmi ichaqa kachkan wiña-wiñaypaq. Allin rurayninmi kachkan respetaqninkunapa mirayninkunapaq.

—Salmos 103:11, 17

Payqa salvawarqanchik manam allinkuna rurasqanchikraykuchu ichaqa kuyapayawaspallanchikmi. Chuya Espiritum huchanchikmanta mayllaykuwaspanchik mosoqmanta nacechiwarqanchik hinaspam mosoq runataña rurawarqanchik. —Tito 3:5

PACHA KAMAQMI QAYAWANCHIK ASUYKUNAPAQ 13

Ñoqa Tayta Diosmi nini: Kunanyá ñoqaman hamuychik. Kunanyá ñoqawan tanteeanakusunchik. Cochinilla hina guindoña huchaykichik kaptipas ritita hinam yuraqyachisaq. Morado colorniyοqña huchaykichik kaptipas yuraq millwata hinam yuraqyachisaq. —Isaias 1:18

Chuya Espirituwan Carneropa novianmi nin: —Hamuy —nispa. Uyaripas nichun: —Hamuy —nispa. Pipas yakunayachikuqqa hamuspayá kawsachikuq yakuta tomachun mana imallapaq. —Apocalipsis 22:17

Yakumanta kaqkuna, hamuychik. Yaku tomaqyá llapallaykichik hamuychik. Mana qollqeyoqkuna, hamuychik. Qamkunaqa debaldellayá

mikuychik. Vinotawan lechetayá debaldella chaskikuychik.

—Isaias 55:1

Fiestapa tukunan punchawmi karqa hatun punchaw. Chaypim Jesus sayaykuspa qayarikuq hina nirqa: —Pipas yakunayachikuqqa ñoqaman hamuspayá tomachun. —Juan 7:37

Jesusmi harkakusqankuta rikururqa chaymi piñakuspan nirqa: —Ama harkaychikchu wawa-



kuna ñoqaman hamunanta, kay wawakuna hina kaqkunapaqmi Diospa munaychakusqanqa.—Marcos 10:14

14 PIKUNATAQ PACHA KAMAQPA CHURINQA

Suti reqsiyllam Diospa churinkunaqa, suti reqsiyllataqmi diablopa churinkunapas. Allinkunata mana ruraqqa otaq runamasinta mana kuyaqqa manam Diospa churinchu. — 1 Juan 3:10

Diospa Espiritunpa pusasqankunaqa llapallanmi Diospa churin. Chuya Espiritutaqa chaskirqankichik manam sirvientekuna hina manchakuqlaña kanaykichikpaqchu aswanqa Diospa churinña kanaykichikpaqmi chaymi Diosta ninchik: “Taytalláy” nispa.
—Romanos 8:14, 15

Chaynapim mana culpayoq hinaspa mana huchayoq kaspaykichik Diospa churin chuya sonqo kanki-chik

huchallikuq pierdesqa runakunapa chawpinpi. Qamkunaqa tutapi kanchaq lucero hinam sutilla lliwpa reqsisqan kachkankichik. —Filipenses 2:15

Señorqa nintaqmi: Paykuna ukumantayá lloqsiychik. Paykunamantayá sapaqchakuychik. Amayá hapiychikchu millakuypaq kaqkunataqa. Hinaptinga chaskisqaykichikmi qamkunataqa. Hinaptinga ñoqam kasaq Taytaykichik, qamkunañataqmi churiykuna kankichik, ninmi tukuy atiyniyoq Señor. —2 Corintios 6:17, 18

Payta chaskispa iñiqkunamanmi ichaqa qorqa derechonta Diospa churinña kanankupaq. —Juan 1:12

Ama munapayaychu vinotaqa pukayariptin. Ama munapayaychu copapi kanchariptin. Ama munapayaychu llampullaña millpusqa kaptin. Qepatañam kachukuq culebra hina kachurusunkiman. Venenosapa culebra hinam nanarachisunkiman.

—Proverbios 23:31, 32

Yachasqanchikpi hinapas aychapa munasqallanpi kawsaqkunaqa huchapakuyllapim purinku, millakuy-paq kaqkunallatam ruranku, manaña penqakuspam qanrakunku, taytachamamachakunallatam adoranku, paykunaqa layqanakuyllapi, cheqninakuyl-lapi, liryanakuyl-lapi, envidianakuyl-lapi hinaspa piñanakuyllapim purikunku, kikillankupaqmi imata-

pas munanku, rakinakuyllatam hatarichinku, sapa-sapaqmi huñunakunku, munapayarinkum hukpa iman-kunatapas, tomakuyllapi fiestakunallapim purikunku, rurankutaqmi chayna rikchaq huchakunatapas. Nawpaq nisqaytam huktawan nimuykichik: Chayna mana allin ruraqkunaqa manam yaykunqakuchu Diospa munaychakusqanman.

—Galatas 5:19-21

Vinowanmi runaqa burlakuq runa rikurirun. Poqosqa aqawanñataqmi qaparkachaq runa rikurirun. Chaykunata upyaspa pantaruspaqa manaña yachayniyoqmi rikurirun.

—Proverbios 20:1

16 MANAM HUCHANCHIK REQSIKUILLACHU

Chaymi Jesusñataq nirqa: —“Señor Diosnikitam kuyanki tukuy sonqoykiwan, tukuy vidaykiwan hinaspa tukuy yuyaynikiwan” nispa. Kaymi punta kaq hatun kama-chikuy. —Mateo 22:37, 38

—Allin yachachikuq ¿imatataq rurasaq wiñay kawsanaypaq? Jesusmi nirqa: —¿Imanasqataq “allin yachachikuq” niwanki? Diosllam allinqa. Qamqa yachankim Diospa kamachikuyninkunata. Chay kamachikuykunam nin: “Amam hukwanqa pierdekunkichu, amam pitapas wañuchinkichu, amam suwakunkichu, amam pimantapas llullataqa riman-kichu, amam engañankichu, tayta-

mamaykita respetay” nispa. Hinap-tinmi chay runañataq nirqa: —Yachachikuq, warma kasqaymantaraq-mi chaykunataqa kasukurqani —nispa. Hinap-tinmi Jesus kuyakuy-wan qawarispas payta nirqa: —Chaywanpas kayraqmi faltasunki, rispaykiyá rantikaramuy tukuy kapuqníkita, hinaspayá chay qollqeta wakchakunaman qoykariy chayna-pim hanaq pachapi kapuqníkikuna kanqa, chaymanta kutimuspañam ñoqawan rinki. Runam chayta uyariruspan achka kapuqniyoq kasqan-rayku llumpayta hukmanyaruspan llakisqallaña pasakurqa.

—Marcos 10:17b-22

Amayá qamkunaqa pantachina-
kuychikchu, Diostaqa manam pipas
burlakunmanchu runaqa imapas tar-
pusqantam cosechanqa.

—Galatas 6:7

Churillaykuna, amayá piwanpas
engañachikuychikchu, pipas allin
ruraqqa Jesucristo hina allinmi. Pi-
pas hucha ñanllapi puriqqa diablopam.
Arí, diabloqa qallariyninmantapunim
huchallikun.

—1 Juan 3:7, 8a

¿Manachu yachankichik Diospa
munaychakusqanmanqa mana allin
ruraqkunaqa mana yaykunanta?
Amayá pantaychikchu, Diospa mu-
naychakusqanmanqa manam yay-
kunqachu huchapakuyipi puriqkuna-

pas, taytacha-mamacha adoraqkuna-
pas, casado kachkaspa hukwan ka-
kuqkunapas nitaq qarimasinwan kaq-
kunapas nitaq suwakunapas, qoll-
qella kuyaqkunapas, sinkakuqku-
napas, cuento qepikunapas nitaq en-
gañakuqkunapas.

—1 Corintios 6:9, 10

Amayá yanqakuna rimaqwanqa
engañachikuychikchu. Chayna hu-
challikuykunaraykum Diosqa cas-
tigonta kachaykun mana kasukuq-
kunaman.

—Efesios 5:6

Achkaqmi hamunqaku ñoqapa su-
tiypi: “Ñoqam kani Cristo” nispa.
Chaynata rimaspankum achka runa-
kunata pantachinqaku.

—Mateo 24:5

18 HUCHAQA WAÑUYLLATAM APAMUN

Huk runallawan kay pachapi huchallikuy qallariruptinmi chayrayku wañuy pas rikurirurqa chaymi lliw runakuna huchallikuspanchik wañunchik. —Romanos 5:12

Chayna mana allin munaykunam huchallichin chaymi huchallikusqanrayku wañunan. —Santiago 1:15

Aychaman hinalla piensa qkunaqa wañunqakum. Chuya Espirituman hina piensa qkunam ichaqa hawkalla kawsakunqaku. Aychaman hina piensa qqa Diospa enemigonmi. Paykunaqa manam Diospa leynin kasukuyta munankuchu nitaq atinkuchu. —Romanos 8:6, 7

Pipas huchallikuqllam wañunqaca.

Taytanpa mana allin rurasqanmantaqa churinga manam castigasqachu kanqa. Churinpa mana allin rurasqanmantaqa taytanqa manam castigasqachu kanqa. Allin ruraq runaqa allin rurasqanmantam pagasqa kanqa. Mana allin ruraq runaqa mana allin rurasqanmantam pagasqa kanqa. —Ezequiel 18:20

“Wañusqanmanta kawsariramuy hinaspa chinkasqanmanta rikuriramuy wawqekimantaqa kusikuspan fiestas rurananchik” nispa. —Lucas 15:32

Huchallikuypa pagonqa wañuy mi. —Romanos 6:23a



Chuyanchaq Espirituman hinam Diospa Churin kasqanta atiywan Dios reqsichirqa, reqsichirqaqa Señorninchik Jesucristota kawsarichispanmi. —Romanos 1:4

Chaynata nispanmi nisyunneqta qayarqa: —¡Lazaro, lloqsimuy! —nispa. Wañuqñataqmi lloqsiramurqa makin-chakin watasqa hinaspayuanpas telawan wankusqa. Hinap-tinmi Jesus nirqa: —Purinanpaq pas-kaychik —nispa. —Juan 11:43, 44

—Vidaytam qoni kaq kawsarimunaypaq, chaymi Taytay kuyawan. Manam pipas vidaytaqa qechuwanmanchu, kikiymi qosaq vidaytaqa. Makillaypim kachkan qonay-

paqqas chaynataq kawsarimunaypaqqas. Chaynatam kamachiwarqa Taytay. —Juan 10:17, 18

Chakanaman asuykuspa llachpaykuptinmi wantuqkuna sayarurqaku chaymi ayata Jesus nirqa: —Yaw joven, qamtam niki: ¡Hartariy! —nispa. Chaymi tiyariruspan parlakuytaña qallaykurqa.

—Lucas 7:14, 15a

Chaynataq kawsaqqas. Wañusqam karqani, kunanmi ichaqa wiñawañaypaq kawsachkani. Kichanapaqqas wichqanapaqqas munaychakunim wañuyupi chaynataq wañusqakunapa kasqanpipas.

—Apocalipsis 1:18

20 PACHA KAMAQPA KAMACHIKUYNIN

Ñoqallam Diosqa kani, amam huk dioskunaqa kapusunkichu.

“Aman taytacha-mamachataqa rurankichu imaman rikchakuqtapas, hanaq pachapi kaqman rikchakuqtapas, kay pachapi kaqman rikchakuqtapas nitaq allpapa ukun yakupi kaqman rikchakuqtapas. Amam qonqorakunkichu chaykunapa ñawpaqninpiqa, amataqmi adorankichu....

“Ñoqapa sutiyaqa amam yanqaqa rimankichu. Sutiyanqa rimaqtaqa castigasaqpunim.

“Yupaychasqayki ñoqa Tayta Diospa kamachisqaypi hinam samana punchawniyta respetanki hinaspa ñoqapaq sapaqchanki.

Soqta punchaw llamkaspaykim tukuy ruraynikiunata ruranki....

“Yupaychasqayki ñoqa Tayta Diospa kamachisqaypi hinam taytamamaykita respetanki....

“Amam pitapas wañuchinkichu.

“Amam hukwanqa pierdekunkichu.

“Amam suwakunkichu.

“Amam runamasikipa contranpiqa llullakunata rimankichu.

“Amam munapayankichu runamasikipa warminta, amam munapayankichu runamasikipa wasinta nitaq allpanta nitaq sirviententa nitaq sirviententa nitaq bueyesninta nitaq asnonta nitaq runamasikipa imantapas.” —Deuteronomio 5:7-21

Diosqa qawachkanmi runakunapa imaynam kawsasqantaqa. Diosqa rikuchkanmi runakunapa imaynam purisqantaqa. Mana allin ruraq runa pakakunanpaqqa manam kanchu tutayaypas. Mana allin ruraq runataqa manam pakaykunmanchu maynaña yanay-yanay tutayaypas.

—Job 34:21, 22



Espirituykimantaqa ¿maymantaq rillayman? Qayllaykimantaqa ¿maymantaq lluptillayman? Cielokunaman wichariptiypas

qamqa chaypim kachkanki. Wañuqkunapa kasqanman uraykuptiypas

qamqa chaypim kachkanki. Chay tutayaypas manapunim pakawanmanchu qanmanta-qa. Punchaw hinam tutapas kancharinqa. Tutayaypas, kanchaypas iguallam qampaqqa.

—Salmos 139:7, 8 y 12

Maypi kaq runatapas Tayta Diosqa rikuchkanmi. Mana allin runatapas allin runatapas payqa qawachkanmi.

—Proverbios 15:3

Diospa tukuy ima unanchasqankunaqa manam pakasqachu kachkan. Tukuy chaykunaqa sutillam kachkan Diospa qayllanpi, paymanmi cuentata qosunchik.

—Hebreos 4:13

Pakasqa kaqkunaqa qawachisqam kanqa chaynataqmi upallalla rimasqakunapas yachasqa kanqa.

—Lucas 8:17

22 MANA IÑIQKUNAQA WIÑAYPAQMI ÑAKARINQA

Diosmanta Hamuq Runam angel-niykunata kachamusaq munaychakusqaymanta llapa pantachikuqkunatawan mana allin ruraqkunata huñuchispa rupachkaq hornoman wischuchinaypaq. Chaypim waqayllawanña kirunkutapas kirichichinchinaku. —Mateo 13:41, 42

Mana allinlla ruraqkunaqa apasqa kanqaku wañuqkunapa kasqanmanmi. Diosta qonqaruq nacionkunaqa apasqa kanqaku wañuqkunapa kasqanmanmi. —Salmos 9:17

Kunan kaq cielokunatawan kay pachataqa Diospa rimarisqanmi waqaychachkan ninapaq, chay ninapim juicio punchawpi huchasapa runakunapas rupanqa. —2 Pedro 3:7

Paykunaqa wiñaypaq castigasqa kaspam Señorpa qayllanmanta hinaspasqasqa suma-sumaq atiyinmanta qarqosqa kanqaku.

—2 Tesalonicenses 1:9

—Chaynaqa makiki otaq chakiki huchallichisuptikiqa qoruruspayá wischuruy, allinraqmi kanman huknin makillañapas otaq qoru chakillañapas wiñaypaq kawsakuynikiqa chaynapi iskaynin makintin otaq iskaynin chakintin wiñaypaq rawrachkaq ninaman ama wischusqa kanaykipaq. —Mateo 18:8

Paykunaqa wiña-wiñaypaq castigomanmi rinqaku, allin ruraqkunañataqmi rinqa wiña-wiñaypaq kawsakuq. —Mateo 25:46

HAMUCHKANMI CUENTA MAÑANA PUNCHAW 23

Diosmi akllarun huk runata, paymi akllasqan punchawpi allin arregloman hina kay pachata juzganqa. Chayta llapa runakuna creenankupaqmi chay akllasqan Jesusta Dios kawsarichimurqa. —Hechos 17:31

Señorqa yachanmi, sasachakuykunamanta serviqninkuna libraytaqa, mana allin runakunatañataqmi ñakarichisparaq juicio punchawpaq waqaychanqa. —2 Pedro 2:9

Ichaqa llapallanchikmi Cristopa qayllanmanqa rikurinanchik chaynapi kay pachapi kawsaspa allinpas otaq mana allinpas rurasqanchikman hina sapakama tocaqninchikta chas-

kinanchikpaq. —2 Corintios 5:10

Diospa citasqanman hinam runakunaqa chulla kutillata wañunqaku hinaspam juzgasqa kanqaku. —Hebreos 9:27

Chaymantam rikurqani hatunpas, taksapas ñawpaq wañuqkunata, paykunaqa hatun tiyanapa qayllanpim sayachkasqaku hinaptinmi librokuna kichasqa karqa. Wiñay kawsay libropas kichasqa kaptinmi wañuqkunana juzgasqa karqa rurasqankuman hina. —Apocalipsis 20:12a

Chaynaqa sapakamam Diosnin-chikman cuentata qosunchik. —Romanos 14:12

JESUCRISTOPA KUYAPAYAKUYNIN



Chaynaqa runakunataqa Diosqa kuyapayaspallam akllan, manam munaptillankuchu nitaq kallpanchakuptillankuchu.

—Romanos 9:16

Diosqa hatun tukuqkunapa contranpim kachkan ichaqa favorecenmi humildekunataqa.

—1 Pedro 5:5b

Qamkunaqa yachankichikñam Señorinchik Jesucristopa favorecewasqanchikta. Payqa apu kachkaspan wakchayarurqa qamkunata kuyasuspaykichik, chaynapi wakcha kayninwan qamkuna apu kanaykichikpaq.

—2 Corintios 8:9

Chaymi aswanraq huchanchikkunata reqsikuspa aswan allintaraq yachanchik Diospa favorecewasqanchikta. Runakunapi munaychakuspanmi huchaqa wañuyman aparqa, chaynallataqmi Diospa favorninpas munaychakun runakunaqa wiñaypaqña kawsanankupaq. Chaytaqa tarinchik Señorinchik Jesucristopa rurasqallanwanmi mana huchayoqpaqña Dios chaskiwaptillanchik.

—Romanos 5:20b, 21

Diosmanyá gracias kachun mana explicay atina qokuyninmanta.

—2 Corintios 9:15

Apostolkunam aswan atiywanraq willakurqaku Jesucristopa kawsarimusqanmanta chaymi llapallankuta llumpayta Dios favorecerqa.

—Hechos 4:33

HUCHALLIKUYMANTA WANAKUY

25

Nikichikmi manam chaynachu. Huchaykichikmanta mana wanakuspaqa qamkunapas chaynam wañunkichik. —Lucas 13:3

—Wanakuychik huchaykichikmanta, Diospa munaychakunanmi hichparamunña —nispa. —Mateo 3:2

Chaymi Pedroñataq nirqa: —Huchaykichikmanta wanakuspaykichik Jesucristopa sutinpi bautizachikuychik Dios pampachasunaykichikpaq, chaynapim Chuya Espiritutapas qosunkichik. Chaynaqa huchaykichikmanta wanakuspayá Diosman kutirikuychik chaynapi tukuy huchaykichikta chinkachiptin hamuq pun-

chawpi Señor hawkayaypi samarichisunaykichikpaq.

—Hechos 2:38, 3:19

Chaynaqa qamkunamantayá qarqoychik chay mana kasukusqaykichikkunata. —Ezequiel 18:31a

Huchankuna pakaq runaqa manam allinchu kanqa. Huchanta willakuspa wanakuq runam ichaqa Diospa kuyapayasqan kanqa.

—Proverbios 28:13

Diospa munasqanman hina llakikuyqa wanachiwaspanchikmi salvawanchik, chaynaqa manam ñakakunanchikchu. Runakunapa munasqanman hina llakikuymi ichaqa apamunwañuyta. —2 Corintios 7:10

26 HUCHALLIKUQPA PAMPACHASQA KAYNIN

Mana allinkuna ruraq runaqa dejachunyá mana allin vidanta. Mana allinlla piensaq runaqa dejachunyá mana allin piensasqankunata. Tayta Diosmanyá kutirikuchun paymanta llakipayarikunanpaq. Diosninchikmanyá kutirikuchun allin sonqo kayninman hina pampachaykunanpaq.

—Isaias 55:7

—Huchallikusuqnikichik runakunata pampachaptikichikqa qamkunatapaspas hanaq pachapi kaq Taytaykichikmi pampachasunkichik.

—Mateo 6:14

Jesucristoman iñiptillaykichikmi huchaykichiktaqa Dios pampachan. Paytam Dios hatunchaspa hoqarirun

alleq lawninman munaychakunanpaq hinaspa salvaqninchik kananpaq chaynapi Israel castamasinchikkuna huchankumanta wanakuspa pampachasqa kanankupaq.

—Hechos 13:38b; 5:31

Qawarimuway, ñoqaqa punkupi sayaspaymi takachkani. Pipas qayakuyniyta uyarispan punkuta kichaykuwaptinqa yaykuspaymi paywan mikusaq, chaynataqmi paypas ñoqawan mikunqa.

—Apocalipsis 3:20

Chaynapi Jerusalenpipas hinaspa tukuy nacionkunapipas willakuptinku runakuna wanakuspa huchankumanta pampachasqa kanankupaq.

—Lucas 24:47

Chaynaqa amayá kay pachapi kaqkunapiqa piensaychikchu, piensaychikqa hanaq pachapi kaqkunapiyá.
—Colosenses 3:2

Tutayaypi hina kawsaqkunapa mana allin rurasqantaqa amataqyá ruraysiychikchu, aswanqa mana allin rurasqankumantayá qaqchapaychik.
—Efesios 5:11

Amayá kuyaychikchu kay pachapi mana allin ruraykunataqa nitaq kay pachapi mana allin kaqkunatapas, chaykunata kuyaqqa manam kuyanchu Dios Taytataqa. Manam Dios Taytamantachu kay pachapi mana allin ruraykunaqa. Kay pachapi ma-

na allin kaqkunamantam rikurimun aychapa munapayayninkunaqa, ñawipa munarusqankunaqa hinaspa tukuy imamanta hatunchakuykunaqa.
—1 Juan 2:15, 16

¡Dios mana kasukuq runakuna!
¿Manachu yachankichik kay pachapi kaqkunallata kuyaruspaqa Diospa enemigon kasqaykichikta? Pipas kay pachapi kaqkunallata kuyaruqqa Diospa enemigonmi rikurirun.
—Santiago 4:4

Mayllakuspa limpiakuychik. Mana allin ruraynikichikta qayllaymanta asurichiychik. Mana allin rurayta saqeychik.
—Isaias 1:16

28 MOSOQMANTA QESPICHISQA KANAMANTA

Qamkunamanqa mosoq sonqotaña churaykuspaymi qoykusqaykichik mosoq espiritutaña. Ñoqaqa rumi hina sonqoykichikta aychaykichikmanta qechuruspaymi llampu sonqotaña qamkunamanqa qoykusqaykichik. —Ezequiel 36:26

Mana huchayoq kasqanta yachaspaykichikqa yachaytam debenkichik pipas allin ruraqqa Diospa churinña kasqantapas. Diospa churinkunaqa manañam hucha ñanpiqa purinñachu, Diospa Churin Jesucristo waqaychaptinmi diablo pas manaña imananchu. —1 Juan 2:29; 5:18

Ichaqa Diosmi mayllaykusurqankichik, kkillanpaqñam sapaqchasurqankichik, Señor Jesuspa sutinpim hinaspa Diosninchikpa Espiritunpa

yanapakuyninwanmi mana huchayoqpaqña chaskisqa kachkankichik.

—1 Corintios 6:11b

Pipas Cristowan kaqqa mosoq runañam, ñawpaq kaqkunaqa pasarunñam, kunanqa lliwmi mosoqña.

—2 Corintios 5:17

Jesusmi nirqa: —Cheqaptapunim niki, pipas mana mosoqmanta nacespaqa manam rikunqachu Diospa munaychakusqanta —nispa.

—Juan 3:3

Qamkunaqa mosoqmantam nacerqankichik, manam wañuq taytamantachu aswanqa Diospa kawsaq hinaspa takyaqtam.



palabranmantam. —1 Pedro 1:23

HUCHAPA MUNAYCHAKUYNINMANTA KAWSARIY 29

Huchaykichikrayku wañusqa hina kachkaptikichikmi Diosqa qamkunatapas kawsarichisurqankichik. Diosqa Jesucristotawan kuskata kawsariykachiwaspanchikmi paywan kuskatataq hanaq pachapipas tiyaykachiwanchik. —Efesios 2:1 y 6

Cristom chakatasqa kaspan aparqa cuerponpi tukuy huchanchikkunata chaynapi huchanchikkunamanta wanakuspa allinña kawsananchikpaq. Sanoyachisqa kanaykichikpaqmi heridasqa karqa. —1 Pedro 2:24

Chaynaqa Cristowan kawsarichisqa kaspaqa hanaq pachapi kaqkunatayá maskaychik, chaypim Cristo tiyachkan Diospa alleqninpi. Chay-

naqa amayá kay pachapi kaqkunapiqa piensaychikchu, piensaychikqa hanaq pachapi kaqkunapiyá. Qamkunaqa Cristowanmi wañurqankichik, chaynaqa cheqap kawsaynikichikqa Cristowanmi kachkan Diosninchikpapi pakasqa. Cristopunim kawsaynikichikqa, pay rikurimup-tinmi qamkunapas paywan kancha-richkaq rikurirunkichik.

—Colosenses 3:1-4

Jesucristopaña kaqkunaqa chakatasqata hinañam saqerunchik aychapa munasqankunataqa. Chuya Espirituman hina kawsaqkunaqa payta kasukuspañam purinanchik.

—Galatas 5:24, 25

Chunniqpim broncemanta culebra-ta ruraspa Moises sayarichirqa, chaynam Diosmanta Hamuq Runapas chakatasqa kanqa chaynapi pipas payman iñiqqa wiñaypaqña kawsananpaq. —Juan 3:14, 15

Chay wiñay kawsayniyoqqa kanku sapallan cheqap Dios kasqaykita reqsiqkunam hinaspa kachamusqayki Jesucristota reqsiqkunam.

—Juan 17:3

—Cheqaptapunim nikichik, pipas nisqaykunata uyariqqa hinaspa kachamuwaqniypi iñiqqa wiñay kawsayniyoqñam kachkan. Payqa manam castigasqachu kanqa, aswanqa wañuymantam kawsaymanña pasarun. —Juan 5:24

Churipi iñiqqa wiñay kawsayniyoqmi, paypi mana iñiqmi ichaqa mana wiñay kawsayniyoqchu, mana iñiqpaqqa Diospa sinchi piñakuy-ninmi kachkan. —Juan 3:36

Diospa qowasqanchikmi ichaqa Señorninchik Cristo Jesuswan kuska wiñaypaq kawsakuy.

—Romanos 6:23b

Munasqanman hinam... favorecewarqanchik. Favorecewasqanchik-tam kunan qawaykachiwanchik salvawaqninchik Jesucristopa hamusqanwan. Paymi wiñaypaq wañunan-chikmanta libraykuwaspanchik allin noticianwan yachaykachiwanchik wiñaypaq. —2 Timoteo 1:9b y 10

Hina Chuya Espiritutaqmi sonqonchikpi willawaspanchik Diospa churina kasqanchikta yachachiwanchik. —Romanos 8:16

Diospa nisqanqa kaymi: Diosmi qowarqanchik wiñay kawsayta, chayqa tarikun Churin Jesucristo-llapim. Pipapas sonqonpi Diospa Churin Jesucristo kawsaptinga wiñaypaqñam kawsakuchkan, paypa sonqonpi Jesucristo mana kawsaptinga ichaqa mana chaynachu. Diospa Churinman inikuqkunamanmi kaykunata qellqamuykichik wiñay kawsayniyoqña kasqaykichikta yachanaykichikpaq. —1 Juan 5:11-13

Kamachikuyniykunata yachaspa kasukuq runaqa kuyawanmi, Tay-

taypas kuyanqam chayna kuyaqniytaqa. Ñoqapas kuyaspaymi reqsichikusaq paywan. —Juan 14:21

Allinkuna rurasqankuwanmi haw-kalla kanqaku. Allinkunata ruraspankum samakunqaku. Wiña-wiñaypaqmi Diosllapi confiakunqaku.

—Isaias 32:17

Churinkunaña kasqanchikta yachananchikpaqmi sonqonchikman Dios kachamurqa Chuya Espirituta, paymi rimachiwanchik “Taytalláy” nispa. —Galatas 4:6

Espiritunta qowasqanchikraykum yachanchik Diospi takyasqanchikta chaynataq paypas ñoqanchikpi takyasqanta. —1 Juan 4:13

32 CRISTOM CHEQAP KUSIKUYTA QOWANCHIK

—Kunanqa hamuchkaniñam qampa kasqaykiman. Kay pachapiraqmi nichkani kaykunataqa ñoqapa kusikuyniywan huntasqa kanankupaq.

—Juan 17:13

Ñoqa kutimuptiymi ichaqa kosisqa kankichik, chay kusikuytaqa manam pipas qechusunkichikchu.

—Juan 16:22b

Diospa munaychakusqanpi kawsakuyqa manam mikukuyllachu nitaq upyakuyllachu aswanqa Chuya Espiritupa yanapakuyninwan allinta ruraspa hawkalla kosisqa kawsakuy-mi.

—Romanos 14:17

Jesucristopa cruzninpim wañusqa hinaña kaspay ñawpa vidayta saqe-

runi, manam ñoqañachu kawsani aswanqa Cristoñam ñoqapi kawsachkan. Kay pachapi kawsaspayqa Diospa Churinman hapipakuspallam kawsachkani. Paymi kuyawaspan ñoqapaq wañupuarqa.

—Galatas 2:20

—Kaykunataqa nikichik ñoqawan kusikunaykichikpaqmi, chaynapi cheqap kusikuyniyuq kanaykichikpaq.

—Juan 15:11

Jesucristotaqa kuyankichikmi mana rikuchkaspaykichikpas, paypimá confiakuchkankichik kunan mana rikuchkaspapas, payta hatunchaspam mana willakuy atina kusikuywanraq kusikuchkankichik. —1 Pedro 1:8

Ichaqa Tayta Diosta mana uyarispa kamachikuyninkunatapaspas mana kasukuptikichikqa paymi castigasunkichik, castigasunkichikqa ñawpa abuelonchikkunata hinam.

—1 Samuel 12:15

Kunan ñakariqkunamanmi wiñaypaq samayta qosunkichik ñoqaykumanwan, chaynataqa qosunkichik Señor Jesucristo hanaq pachamanta atiy qosqan angelninkunawan rupachkaq ninapi hina rikurimuspanmi. Hinaspam Dios mana reqsiqkunatawan Señorninchik Jesusmanta allin noticia mana kasukuqkunata vengakunqa. Paykunaqa wiñaypaq

castigasqa kaspam Señorpa qayllamanta hinaspa suma-sumaq atiyinmanta qarqosqa kanqaku.

—2 Tesalonicenses 1:7-9

—Kunan punchawya akllakuychik bendecisqa kanaykichikpaq otaq ñakasqa kanaykichikpaqpas. Kunan willasqay yupaychasqanchik Tayta Diospa kamachikuyninkunata kasukuspaqa bendecisqam kankichik. Mana reqsisqaykichik sapaq dioskunata qatinaykichikpaq yupaychasqanchik Tayta Diospa kamachikuyninkunata mana kasukuspaqa ñakasqam kankichik.

—Deuteronomio 11:26-28a

34 HUCHALLIKUSPAQA CRISTOMANMI WILLAKUNA

Llapallan runakunapas “Jesucristoqa Señormi” nispam ninqaku, chaynataqa ninqaku Dios Taytata yupaychaspankum.

—Filipenses 2:11

—Runakunapa qayllanpi mana penqakuspa ñoqamanta willakuqtaqa ñoqapas hanaq pacha Taytaya qayllanpim willakusaq ñoqapa kasqanta. Runakunapa qayllanpi negaqniytaqa ñoqapas negasaqmi hanaq pachapi kaq Taytaya qayllanpi.

—Mateo 10:32, 33

Jesusqa Señor kasqanta willakuspaykiqa chaynataq payta Dios kawсарichimusqanta tukuy sonqoykiwan creespaykiqa salvasqam kanki. Sonqonchikwan creeptinchikmi mana

huchayoqpaqña Dios chaskiwanchik hinaspam Jesucristomanta willakup-tinchik salvawanchik.

—Romanos 10:9, 10

Kaynapim reqsinkichik Diospa Espiritunwan kaq runataqa: “Jesucristom kay pachaman hamuspan cheqap runa karqa” nispa niqkunam Diospa Espiritunpa yachachisqanqa kachkanku.

—1 Juan 4:2

—Diosmanta Hamuq Runa kanchariyniywan hinaspa Taytaya chaynataq chuya angelkunapa kanchariyninwan kutimuspaymi penqakusaq ñoqamanta penqakuqkunamanta, penqakusaqtaqmi rimasqaykunamanta penqakuqkunamantapas.

—Lucas 9:26

LLUMPA-LLUMPAYTAM SUPAYQA CHEQNIWANCHIK

35



Listollayá rikchaychik,
enemigoykichik
diabloqa
yarqasqa
leon hinam
muyuriqnichikpi purichkan pitapas
millpurunanpaq. Paypa contranpiyá
qaqa hina sayaychik ñiynichikpi.

—1 Pedro 5:8, 9a

Qallariyninmantapuni runa wa-
ñuchiymi chay diabloqa, payqa llulla-
lla rimaqmi mana cheqappi kasqan-
rayku. Llulla kasqanraykum payqa
llullakuqkunapa taytan. —Juan 8:44

Hinaptinmi Jesusta Espiritu pucharurqa

purunman diablo payta tentananpaq.
Hinaptinmi Jesus nirqa: —Pasaway
kaymanta Satanas, Bibliam nin:
“Señor Diosllaykitam adoranki,
payllatataqmi servinkipas”—nispa.
Chaymi Jesusta diablo saqerurqa,
angelkuna hamuruspanmi payta
yanaparqa. —Mateo 4:1 y 10, 11

Chaynaqa wawqe-panillaykuna,
Señorninchikman hapipakuspayá
atiyninwan allinta kallpanchakuychik.
Harkachikunaykichikpaqyá Diospa
llapallan qosusqaykichikwan
pachakuychik chaynapi wate-
qasuqnichik diablo mana urma-
chisunaykichikpaq.

—Efesios 6:10, 11

36 MANAM MUNAYCHAKUWANCHIKÑACHU SUPAYQA

Pipas hucha ñanllapi puriqqa diablopam. Arí, diabloqa qallariyninmantapunim huchallikun. Diospa Churinga rikurimurqa diablopa rurasqankunamanta libraykuwananchikpaqmi. —1 Juan 3:8

“Ñawinkuta kichamunaykipaq chaynapi tutayaypi hina huchapi manaña purispanku achkiypiña kawsanankupaq hinaspa Satanaspa munasqanta amaña ruraspa Diostaña kasukunankupaq. Ñoqaman iñiptinkum huchankuta Dios pampachanqa, chaynapim paykunapas Diospa akllasqankunawan kуска herenciata chaskinqaku.” —Hechos 26:18

Manam pipas Cristopa kuyawas-

qanchikmantaqa rakiwachwanchu. Makinpim kachkanchik ñakarispapas, llakipa intusqanña kaspapas, ñakarichinapaq qatikachasqaña kaspapas, mana pachayoqña kaspapas, wañuy patanpiña kaspapas chaynataq wañukuspapas. Aswanqa Cristo kuyawaspanchik yanapawaptinchikmi lliw sasachakuykunata pasaypaqña vencerunchik.

—Romanos 8:35 y 37

Chaynaqa Diosta kasukuspaya diablopa contranpi qaqa hina sayaychik, chaynapim diabloqa qamkunamanta ayqekunqa. Diosman asuykuptikichikqa paypas asuykusunchikmi. —Santiago 4:7, 8a

Sichu ñoqa rimayman runakunapa chaynataq angelkunapa idiomapi-pas ichaqa mana kuyakuyniyoq kas-payqa campanapa otaq platillopa waqaynin hinallam kani.

—1 Corintios 13:1

Chuya Espirituñataqmi kawsachi-wanchik: kuyakuqta, kuisqallata, hawkallata, pacienciakuqta, sumaq sonqollata, kuyapayakuqta, cumpli-qta, llampu sonqo hinaspa imapipas controlakuq. —Galatas 5:22, 23a

Huktawanmi tapurqa: —Juanpa churin Simon ¿kuyawankichu? —nispa. Pedroñataqmi nirqa: —Arí Señor, qanmi yachanki kuyasqayta —nispa. Chaymi Jesus nirqa:

—Chaynaqa ovejaykunatayá nana-chikuy —nispa. —Juan 21:16

—Kuyawaspaykichikqa kasukuy-chikyá kamachikuyniykunata. —Juan 14:15

Pipas runamasinta cheqnichkaspan “Diostaqa kuyanim” niqqa llullam. Rikuchkasqan runamasinta mana kuyaspaqa ¿imaynataq mana rikus-qan Diostaqa kuyanman?

—1 Juan 4:20

Ñoqanchikqa wañuymantam kaw-saymanña pasarunchik, chaytaqa yachanchik runamasinchikkunata kuyaspanchikmi. Runamasinta mana kuyaqqa wañusqaraqmi kachkan.

—1 Juan 3:14



Domingo punchawtam Jesus kawsaruspan Magdala llaqtayoq

Mariamán puntata rikuriykurqa, ñawpaqtaraqmi Jesus paymanta qanchis demoniokunata qarqorqa.

—Marcos 16:9

Judea lawpi hinaspa Jerusalem llaqtapi Jesucristopa imam rurasqanmantaqa ñoqaykum testigo kani-ku. Paytam wañurachirqaku cruzpi chakataruspanku. Ichaqa Diosmi payta kawsarichirqa kimsa punchaw wañusqanmanta hinaspa rikuriy-kachiwarqaku ñoqaykuman. Manam llapa runamanchu rikurirqaqa as-

wanqa ñoqallaykumanmi chaynapi Jesusmanta willakunaykupaq ñawpaqmantaraq Diospa akllasqan kasqaykurayku. —Hechos 10:39-41a

Pusaq punchawmantam discipulonkuna mosoqmanta huñunakurqaku wasipi, Tomaspas paykunawan kuskam kachkarqa. Punku wichqarayachkaptinmi Jesus yaykuykumurqa, paykunapa chawpinpi sayaykuspam nirqa: —Hawkallayá kaychik —nispa. Hinaspa Tomasta nirqa: —Dedoykita hinay kayman hinaspa qaway makiyta, makikita haywari-muspáyá hinay waqtayman. Amaña iskayrayaspáyá creey —nispa. Tomasñataqmi nirqa: —¡Señorlláy, Dioslláy! —nispa. —Juan 20:26-28

WAÑUKUSPAPAS KAWSARIMUYTAM SUYACHKANCHIK

39

Kay nisqaymantaqa amayá admirakuychikchu, huk punchawmi Diospa Churinpa qayasqanta uyarispanku llapallan wañuqkuna kawsarimunqaku. Allin ruraqkunaqa wiñay kawsanankupaqmi kawsarimunqaku, mana allin ruraqkunañataqmi kawsarimunqaku castigasqa kanankupaq.
—Juan 5:28, 29

Kaytaqa yachankichikpunim: Bautizakurqanchikqa Cristo Jesuswan hukllaña kananchikpaqmi, chaynapim bautizakuykuspa ñoqanchik paywan kуска wañurqanchik. Bautizakuspanchikmá ñawpaq mana allin vidanchikta pamparqanchik Cristopa

pampakusqanta hina chaymi paywan wañusqa hina karqanchik. Imaynam Dios Tayta hatu-hatun atiyinwan Cristota kawsarichirqa, chaynam ñoqanchiktapas kawsarichiqarqanchik allin vidapiña purinanchikpaq. Cristo hina wañuspanchikmi payman hukllawakurqanchik hinaptinga paypa kawsarimusqanta hinam ñoqanchikpas kawsarisunchik.
—Romanos 6:3-5

Diosmi Jesucristota kawsarichimurqa. Paypa Espiritun qamkunapi kawsaptinga wañuq cuerpoykichiktam Dios kawsarichinqa hina chay Espiritunwan.
—Romanos 8:11

HUCHANCHIKMANTAM ASWAN ASWAN CHUYANCHAKUNA

Kuyasqay wawqe-panillaykuna, chayna promesakuna kachkaptinqa aychanchikpi hinaspa espiritunchikpi tukuy mana allinmantayá chuyanchakusun, Diosta manchakuspáyá aswanaswan payllapaqña sapaqchakusun. —2 Corintios 7:1

Wawqe-panillaykuna, qamkunatam yachachirqaykichik Diosta agradaspa kawsanaykichikpaq. Chaynatamá kawsachkankichik, Señor Jesusrayku ruegoakuspam mañakuykiku aswan mastaraq chaynata kawsanaykichikpaq. Qamkunaqa yachankichikñam Señor Jesuspa kama-chikuynin qomusqaykuta. Diosqa

munan mana huchayoq kanaykichiktam hinaspa mana huchapakuq kanaykichiktam. Sapakamayá warmiyoy kaychik ama huchallikuspa hinaspa respetayta yachaspa. Diosqa qayawarqanchik manam hucha vidapi purinapaqchu, aswanqa payllapaqña kawsanapaqmi.

—1 Tesalonicenses 4:1-4, 7

Qayasunqnikichik Diospas chuya kasqanraykuyá payllapaqña kawsaychik chuyakuna hina. Bibliam nin: —Chuya kaychik ñoqapas chuya kasqayrayku —nispa.

—1 Pedro 1:15, 16

HUCHANCHIKMANTAM ASWAN ASWAN CHUYANCHAKUNA

41

Jesuspas kikinpa yawarninwan runakunata Diospaq sapaqchananpaqmi llaqtapa hawa lawninpi wañurqa.

—Hebreos 13:12

Manaraqpas kay pacha unanchasqa kachkaptinmi Diosqa Cristorayku akllawarqanchikña chaynapi paypa qayllanpi mana chikanpas huchayoq kaspa payllapaqña kawsananchikpaq. Hinaspayá mosoqwan pachakuchkaq hina mosoq runaña kaychik Diosman rikchakunaykichikpaq, chayna runatam Diosqa unancharqa cheqaptapuni mana huchallikuq justo kananpaq.

—Efesios 1:4, 4:24

Hatun ñan chaypi kaptinmi suti-chanqaku. Diospaq Sapaqchasqa Nan-

wanmi suti-chanqaku. Manam chayninta purinqachu Diospa mana chas-kinanpaq hina kaqkunaqa. Diospa munasqanman hina kawsaqqunalla-paqmi kanqa chay ñanqa. Sonso runakunaqa manam purinqachu chaynintaqa.

—Isaias 35:8

Payman huchanchikkunata willakuptinchikqa, paymi mana engañakuq hinaspa allin ruraq kasqanrayku pampachawanchik hinaspam tukuy mana allin rurasqanchikmanta mayllawan-chik.

—1 Juan 1:9

Tukuy kaqkunapas chayna chinkan kachkaptinqa ¡mayna chuya sonqom Diosta servispa kawsanaykichik!

—2 Pedro 3:11

42 CHUYA ESPIRITUPA HUNTASQANMI KANANCHIK

Qamkunaqa mana allin runakuna kachkaspam churikichikmanqa allin kaqkunata qonkichik ¿chaychu mañakuqkunamanqa hanaq pachapi kaq Taytaykichik mana qosunkichikman Chuya Espirituta?

—Lucas 11:13

Chaynata mañakuruptinkum chay huñunakusqanku wasi katkatatarurqa hinaptinmi Chuya Espiritu lliwman huntaykurqa. Chaymi manaña manchakuspanku willakurqaku Diospa palabranta. —Hechos 4:31

Espirituytaña qoykuspaymi decretoykunata cumplichisqaykichik, chaynapim leyniykunatapas kasukunkichik. —Ezequiel 36:27

Qamkunam ichaqa Diospa Espiritun qamkunapi kasqanrayku aychapa munasqanta qepanchakuspa Chuya Espirituman hinaña kawsachkankichik. Cristopa kachamusqan Chuya Espiritu huk runapi mana kaptinqa, payqa manam Cristopachu.

—Romanos 8:9

Ichaqa Chuya Espiritu qamkunaman hamuptinmi atiyta chaskinkichik. Chaymi ñoqamanta willakunkichik. —Hechos 1:8a

Amayá vinowanqa sinkakuychichu, chayqa viciokunamanmi apakun, aswanqa Chuya Espiritupa huntasqanyá kaychik.

—Efesios 5:18

ĨNIQKUNAQA CHASKINQAM TUKUY IMATA 43

Huchanmanta llakiq runapa hich-pallanpim sayaykun. Huchayoqpas wanakuptinqa Tayta Diosmi salvaykun. —Salmos 34:18

Ñoqa Tayta Diosmi nini: Ñoqa ruraptiymi karqa tukuy kaykuna. Chaymantapunim rikurirqa tukuy kaykuna. Favorecesqay runakunaqa humillakuspa wanakuq runakunam. Favorecesqay runakunaqa palabray respetaq runakunam. —Isaias 66:2

Jesusñataqmi nirqa: —Creeptikiqa munasqaykitam rurasaq, creeqkuna-paqqa manam imapas sasachu —nispa. —Marcos 9:23

Kuyasqay wawqe-panillaykuna, sasachakuykuna hamusuptikichikqa

amayá hukmanyaychikchu ima mana allinpas kanman hinaqa. Aswanqa Cristopa ñakariqmasin kasqaykichikraykuyá kusikuychik chaynapi hanaq pachamanta suma-sumaq rikurimuqta qawaspa aswanraq kusikunaykichikpaq. —1 Pedro 4:12, 13

Diosmi pichanqa paykunapa weqenta, manañam kanqachu wañuy-pas, lutokuypas, waqaypas nitaq nanaypas. Ñawpaq kaqkunaqa pasarunñam —nispa. —Apocalipsis 21:4

Qamtaqyá allinta ruray Tayta Diosman hapipakuspa. Qamtaqyá allpapi yachay confianzawan kawsakullaspa. —Salmos 37:3

44 SASACHAKUYPI YANAPAKUY CHASKINAMANTA

Payqa Tentasqa kaspanmi ñakarir-
qa, chayraykum tentasqakunatapas
atin yanapayta. —Hebreos 2:18

Satanastaqa hawkalla waqaycha-
waqninchik Diosninchikmi chaylla
sarupanqa qayllaykichikpi vencesqa
kananpaq. —Romanos 16:20a

Yakuta chimpaptikichikmi qamku-
nawan kasaq ñoqaqa. Mayuta pa-
saptikichikmi lloqllamanta harkas-
qaykichik ñoqaqa. Nina ukunta pa-
saptikichikqa manam rupasunki-
chikchu. —Isaias 43:2a

Tentasqa kasqaykichikqa manam
maschu wakinkunapa tentasqa kas-
qanmantaqa. Ichaqa Diosmi cofia-
kuna kasqanrayku mana munanqa-

chu mana aguantay atinaykichikka-
ma tentasqa kanaykichiktaqa. Tenta-
cionkuna hamuptinqa Diosmi ven-
cenaykichikpaq kaqta qosunkichik
chaynapi aguantanaykichikpaq.

—1 Corintios 10:13

Munasqanman hinam Diosqa qa-
yaykuwarqanchik. Chaymi yachan-
chik imaña pasawapinchikpas ku-
yaqninkunataqa Dios yanapawas-
qanchikta. —Romanos 8:28

Sacerdotekunapa jefen kapuwaq-
ninchik Jesusqa huchaman urmaqla
kayninchikmanta llakipayakuqmi.
Paypas ñoqanchik hina tukuypi ten-
tasqam karqa ichaqa manam hucha-
llikurqachu. —Hebreos 4:15

Pipas venceqqa chaykunatam herenciapaq chaskinqa, ñoqam kasaq paypa Diosnin, payñataqmi kanqa churiy. —Apocalipsis 21:7

Pipas venceqtaqa Diosniypa templonpa pilarninta hinam rurasaq, chaynata ruraptiyqa manañam chaymanta lloqsinqachu. Paypim qellqasaq Diosniypa sutinta, qellqasaqtaqmi mosoq Jerusalem llaqtapa sutintapas. Chay llaqtaqa hanaq pachamantam uraykamunqa. Qellqasaqtaqmi mosoq sutiypapas.

—Apocalipsis 3:12

Pipas venceqkunaqa yuraq pachawan pachachisqam kanqaku, sutinkutapas manam chinkarachisqachu wiñay kawsaqkunapa sutin apuntana

libromantaqa hinaspam ñoqapa kasqankuta reqsichisq Taytaya hinaspa angelninkunapa qayllanpi.

—Apocalipsis 3:5

Pipas venceqtaqa ñoqawan kuskatam tiyachisq tiyanaypi, chaynam ñoqapas vencesqayrayku Taytaywan kuska tiyarqani tiyananpi.

—Apocalipsis 3:21

Uyariwaqniykunaqa kasukuychikyá huñunasqa iñiqkunaman Espiritupa nisqanta. Pipas venceqmanqa qosaqmi kawsachikuq sachapa rurunta mikunanpaq. Chay sachaqariki kachkan Diospa huertanpa chawpinpim.

—Apocalipsis 2:7

46 IMANIWANCHIKTAQ RAKINAKUYMANTA

Casado kaqkunatam ichaqa kama-chini, warmiqa amayá qosanmanta-qa rakikuchunchu. Kay kamachikuyqa manam ñoqapachu aswanqa Señorpam. Rakikuruspanqa amataq-yá hukwanqa casarakuchunchu, manachayqa qosanwanyá amistachun. Qosanpas amataqyá dejachunchu warmintaqa. Casada warmiqa manam rakikunmanchu qosanmanta pay kawsakuchkaptinqa, qosan wañukuptinmi ichaqa libreña piwanpas munasqanwan casarakunanpaq, ichaqa Señorpi ñiqwan.

—1 Corintios 7:10, 11, 39

Huk casada warmipas qosan kawsaptinqa leypa kamachikuyninman hinam payta mana saqenmanchu.

Qosan wañukuptinmi ichaqa chay leytaqa manaña kasunanchu. Qosan kawsachkaptinraq huk runawan tupakuruspaqa huchallikuchkanmi. Qosan wañukuptinmi ichaqa chay casada kasqan leymenta libreña rikurirun.

—Romanos 7:2, 3a

—Warminmanta rakikuruspan huk warmiwan casarakuq runaqa huchallikunmi. Huchallikuntaqmi qosanpa saquesqan warmiwan casarakuq runapas.

—Lucas 16:18

Ñoqam ichaqa nikichik: Huk qariwan mana tupakuchkaptin warminmanta rakikuqqa chay warmin huchallikunanpaqmi saqerun, chay wischusqa warmiwan casarakuqpas huchallikuntaqmi.

—Mateo 5:32

JESUCRISTOQA KUTIMUNQAM KAY PACHAMAN 47

Allicharamuspaymi kutimusaq qamkuna pusanaypaq chaynapi maymi kasqaypi qamkunapas kanaykichikpaq.
—Juan 14:3

Hinaptinmi Diosmanta Hamuq Runapa señalniy puyupi rikuriykamunqa chaymi kay pachapi llapa castakuna qaparkachaspa waqanqaku hinaspam rikuwanqaku puyupi tukuy atiyniywan hinaspa kanchariyiniywan hamuchkaqta.
—Mateo 24:30

Kay mana kasukuq huchasapa runakunapa qayllanpi pipas ñoqamantawan rimasqaykunamanta penqakup-tinqa Diosmanta Hamuq Runapas paymantam penqakusaq. Chaynata-

qa rurasaq... Dios Taytaypa hatunchasqan kutimuspaymi.

—Marcos 8:38

Kuyasqallaykuna, Diospa churiniñam kanchik, aswanqa manaraqmi yachanchikchu imaynam kananchikmantaqa. Yachanchikmi ichaqa Jesucristo rikurimuqti payman rikchakuq kananchikta, paytamá rikuykusun imaynam kasqanman hina. Pipas paypi confiakuspan kay suyaqqa huchakunamantam wanakun Jesucristo hina mana huchayoq kayta munaspan.

—1 Juan 3:2, 3

Chaynaqa qamkunapas listollayá kaychik. Diosmanta Hamuq Runaqa kutiramusaq mana piensasqaykichik horam.
—Lucas 12:40

48 PACHA KAMAQMI NIN

Cielopi kaqkunapas chaynataq kay pachapas chinkarunqam, nisqaykunam ichaqa mana chinkanqachu.

—Lucas 21:33

Bibliapi llapallan qellqasqa kaqkunaqa Diospa Espiritunpa qosqanmi, allinmi yachachiwananchikpaq, faltanchikkuna qawachiwananchikpaq, pantaypi puriptinchikpas allin ñanman kutirichiwananchikpaq hinaspa imaynam allin kawsakuy yachachiwananchikpaq. —2 Timoteo 3:16

Palabraykiqa chakiykunata kachaykuq mechero hinaraqmi. Palabraykiqa purisqay ñanpipas achkiy hinaraqmi. —Salmos 119:105



PAMPACHASQA KANAPAQ WANAKUY

Qamkunaqa kaynatayá mañakuychik: Hanaq pachapi Taytayku, suti-ki yupaychasqa kachun, munaychakusqayki hamuchun. Munasqaykiyá rurasqa kachun kay pachapipas hanaq pachapi hina. Sapa punchaw mikunaykutayá kunan qowayku. Ñoqaykupa huchaykutayá pampachawayku, ñoqaykupas mana allin rurawaqniykuta pampachasqaykuman hina. Amayá kachaykuwaykuchu pruebamanqa, aswanqa librawaykuyá diablomanta. [Qamqa wiñaypaqmi munaychakunki, hatun atiynikimantam wiña-wiñaypaq alabasqa kanki. Amen.] —Mateo 6:9-13

QESPICHIQ PACHA KAMAQPA RURAYNIN

Munanim Qespichiqniyta.

Llapallanchik huchallikurus pam Diospa suma-sumaq qayllanmanta karunchakurunchik. –Romanos 3:23

Cristom wañupumarqa.

Cristopas chulla kutillatam ñakarirqa ñoqanchikpa huchanchikmanta. Payqa karqa mana huchayoqmi ichaqa mana allin runakunata Diosman pusawananchikpaqmi ñakarirqa. –1 Pedro 3:18a

Wanakunaymi huchaymanta.

Huchankuna pakaq runaqa manam allin chu kanqa. Huchanta willakuspa wanakuq runam ichaqa Diospa kuyapayasqa kanqa.

–Proverbios 28:13

Huchaykichikmanta wanakuspayá Diosman kutirikuychik chaynapi tukuy huchaykichik chinkanapaq.

–Hechos 3:19a

Iñikunaymi Jesusman.

Payta chaskispa ñiñkunamanmi ichaqa qorqa derechonta Diospa churinña kanankupaq. –Juan 1:12

Manañam iskayrayanichu.

Cheqaptapunim nikichik, pipas nisqaykunata uyariqqa hinaspa kachamuwaqniypi ñiñqqa wiñay kawsayniyoqñam kachkan. Payqa manam castigasqachu kanqa, aswanqa wañuymantam kawsaymanña pasarun. –Juan 5:24

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

www.wmpress.org

4-18

140 Ayacucho Quechua HFA